



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Decreta Provinciae Mediolanensis Svb B. Carolo Borromeo, Cardinale
Archiepiscopo, Diuersis temporibus in sex Concilijs, totidemq[ue]
voluminibus edita

Speciano, Cesare

Brixiae, 1603

Federico Card. Borromaeo S. Mediolan. Ecclesiae Archiepiscopo. Ac
Domino Parentiqve Optimo.

urn:nbn:de:hbz:466:1-10553

F E D E R I C O

CARD. BORROMAEO

S. MEDIOLAN. ECCLESIAE

ARCHIEPISCOPO,

AC DOMINO PARENTIQUE OPTIMO.

Congregatio Oblatorum perpetuam felicitatem.



VM multa fuerunt in CAROLO Borromæo Patruele tuo, FEDERICE Cardinalis Ampliss. ad ecclesiasticam disciplinam in Mediolanen. Prouinciam vel inducendam, vel corrigendam præclara, atque admiranda; tum illud unum præclarum nobis, atq; admirabile præ cæteris videri solet, quòd tot Prouincialibus Diocesanisq; Concilijs celebratis, illi tamen noua semper rerum seges suppeteret, unde alia rursus atque alia conderentur: eo siquidem ingenio erat, ut quocunq; animum intendisset, ibi & valere plurimum, & præstare alijs omnibus crederetur. Hoc licet edita iam pridem Acta luculenter testentur, quibus uniuersa Cleri regendi, fidelisq; populi christianis moribus imbuendi scientia continetur; multò clarius tamen intelligi potest ex ijs, quæ nunquam

ante hoc tempus vulgata, obsoletis quibusdam in
schedulis vim omnem & rationem Episcopalis
administrationis & muneris complectitur. Hæc,
cum verendum magnopere esset, nè veluti mem-
bra à suo corpore diuulsa tabescerent, ac perirent;
dedimus operam, ut undequaq; diligenter colle-
cta, ad alteram hanc Actorum editionem, quam
iamdii moliti, aliquando tandem absoluius, ad-
iuncta prodirent. In quo eò etiam libentius labo-
rauimus, quòd nobis non semel ostenderit, tibi gra-
tissimum fore, si ea ab interitu quodammodo vin-
dicata, ad communem hominum utilitatem darẽ-
tur in lucem. Præterquam quòd cum eadem non
ab Italis modò, sed exterarum etiam nationum
Episcopis, & Sacerdotibus vehementer expeti,
atq; adeo efflagitari audiremus; ipsorum vota
inani expectatione eludere nihil esse aliud duce-
bamus, quàm salutaris disciplinæ progressiones,
quæ longè lateq; patere debent, angustis finibus
circumscribere, & christianam rempublicam plu-
rimis maximisq; ad æternam felicitatem compa-
randam præsidijs atq; adiumentis priuare. Quam-
quam enim hæc ad clerum Mediolanensis dunta-
xat prouinciæ instituendum sancita sint; ea tamen
fuit eximij illius viri auctoritas, clarissimis sem-
per actionibus, vitæq; incredibili sanctimonia
confir-

confirmata, ut quæ ab illo decreta essent, ea sibi quisq; sequenda atq. amplectenda merito iudicaret. Quamobrem tot iustis hominum desiderijs satisfacere cum maxime cuperemus, non illud modò contendimus, ut quæ hætenus impressa erant, ea multo quàm antea emendatiora legerentur; sed quæ addita essent, etiam si minus polita & culta eruditis auribus visũ iri sciremus, ea ut fideliter retinerentur, curauimus; nè vel præteritum quid, vel adiunctum, vel immutatum, aut suspicari quisquam posset, aut queri. Tibi verò cur dicere potissimum voluerimus, ea sanè causa fuit, quòd, & in eodem dignitatis fastigio collocatus, eodẽ, quantum in te est, studio & voluntate eandem ecclesiam regis; & congregationem nostram, quam ille primus instituit, ita auges, & ornas, ut & nos ipsos, & quæ à nobis quoquo modo proficiscuntur, omnia iure tibi optimo debeamus. Accipe igitur Acta Mediolanensis Ecclesie, cuius ad clauum tu sedes; & nos, qui tibi animos, voluntatesq; nostras addiximus, quod facis, tuere, & ama.

Mediolani xiiij. Kal. Iunij. M. D. IC.